

inveniri aliquod genus ejus una tantum sit species. Genus enim dividitur in species per oppositas differentias. Oportet autem si unum contrariorum invenitur in natura et reliquum inveniri (contraria enim simul innotescunt, ut perfectum et imperfectum.) Et ideo si una species invenitur, invenitur et alia. Una autem species dividitur in diversa individua per divisionem materiae (quæ, ut ostendetur in Anthropol., est principium individuationis.) Contingit autem totam materiam alicui speciei proportionatam sub uno individuo comprehendi, et tunc non est nisi unum individuum sub una specie.» Hoc a fortiori accidit quum species recipitur in substantia spirituali. Tunc enim in diversa individua non dividitur, nam substantia hujusmodi indivisibilis est; quod quidem de angelis verum est, nam unus angelus constituit unamquamque speciem angelorum, quæ numerice non potest multiplicari, ut ostenderetur in expositione principii individuationis. (9.)

4. Proprium constituitur in ratione universalis per respectum ad inferiora speciei, nam in omnibus adest, et praedicatur de illis *in quale necessario*, ut dictum est.

(9) De principio individuationis existit quæstio profundissima Divi Thoma in t. 10, Summae Romanae pag. 156. ubi late et sapientissime de eo agit omnino videnda.

5. Accidens constituitur in ratione universalis per respectum ad inferiora speciei, in quibus potest adesse vel non adesse, et de quibus praedicatur *in quale contingenter*, ut explicavimus. (10)

§ 4. *De proprietatibus universalium*

Duplex assignari solet proprietas universalium, perpetuitas scilicet et praedicabilitas. Perpetuitas pertinet ad quaestionem de ideis, et tractabitur in anthropologia. De praedicabilitate hic tantum agetur.

Praedicatio triplex est, materialis scilicet, identica et formalis.—Materialis est ea in qua praedicatum et subjectum sunt quidem a parte rei eadem res, attamen in conceptu unum, nullo modo includitur ab alio; ut, quum dico *animalitas est rationalitas*, ista propositio est materialiter vera, quia in homine animalitas et rationalitas sunt eadem res; attamen formaliter loquendo est falsa quia conceptus animalitatis nullo modo includit conceptum rationalitatis.—Identica ea est in qua praedicatum omnibus modis idem est cum subjecto, ut dum dico: *Petrus est Petrus*.—Formalis mediat inter utramque, et est quando praedicatum nec omnino idem est, nec formaliter

[10.] Vide Goudin loco in superiori adnotatione citato; et Boselli t. 1. q. 7.

diversum a subjecto, sed unum aliquatenus includit aliud, id est predicatum includit subjectum in potentia, et subjectum actu continet praedicatum, ut dum dico: *homo est animal*, animal in potentia continet hominem, et homo actu continet animalitatem.

Adhuc, aliquid praedicatur dupliciter: in concreto et in abstracto; in concreto, quum significatum formale praedicati attribuitur subjecto cui inhaeret ut: *homo est rationalis*; in abstracto quum substantivus abstractus praedicatur de alio substantivo abstracto, ut: *humanitas est rationalitas*.

Praeterea inter abstracta substantialia et accidentalia illud intercedit discriminem quod abstractum substancialia, quum sit assentialiter principium seu pars sui concreti debet semper sumi ut tale; *humanitas* v. g. ut principium quo homo est homo; *animalitas* ut id quo homo est animal. Abstractum vero accidentale, quum sit tantum secundum quid et accidentaliter pars, absolute autem ens completum in suo genere, per ordinem quidem ad concretum accidentale debet sumi ut pars aut principium quo illud est tale; sed absolute habet rationem totius, et intelligi debet et veluti ad modum per se subsistentis, ut *albedo*, in quantum refertur ad *parietem album* qui est concretum accidentale, sumitur ut pars hujus concreti; in quantum autem ad nullum concretum refertur, quod possibile

est, quia non necessario sed contingenter componitur cum subjecto habet rationem totius, ut *albedo* per abstractionem separata. His ita praenotatis, sic praedicabilitas ordinatur:

1.^o Genus et species in substantiis debent praedicari in concreto. Unde illa propositio: *homo est animal*, est vera praedicatio generis de specie, non autem ista: *humanitas est animalitas*. Et ista est vera praedicatio speciei de individuo: *Petrus est homo*, non vero, ut aiunt, *petreitas est humanitas*.

2.^o E contra in accidentibus genus et species debent praedicari in abstracto. Unde ista praedicatio est vere generis de specie: *albedo est color*, non autem ista *album est coloratum*.

3.^o Differentia, proprium et accidens praedicari debent in concreto de suis inferioribus, quia praedicantur *in quale* et per modum alicujus adjективi; ergo et in concreto, nam omne adjективum est concretum. (11)

(11) Vide Goudin log. maj. p. 1. disp. 1. q. 3. per totum et Roselli t. q. 9. et 10.

PROPOSITIONES SEU CONCLUSIONES AD SUPERIOREM SECTIONEM SPECTANTES.

1.^o Praeter voces et ideas sunt in ipsis individuis quaedam naturae universales ante omnem mentis operationem, non

SECTIO TERTIA.

De praedicamentis.

Modis secundum quos unum, scilicet universale, dicitur de alio, explicatis, nunc ea quae dicuntur de alio distribuenda sunt in quasdam classes et universalissima genera, quae vocantur praedicamenta, graece *categoriae*.

Praedicamenta definiuntur: suprema genera eorum quae praedicantur de prima substantia, seu series attributorum realium sub uno primo genere ordinatorum. Tota pra-

quidem formaliter, sed tantum fundamentaliter (Iac qvier p. 1. log. c. 2. q. 1.; Roselli t. 1. q. 6.; et Goudin log. maj. q. 1. disp. 1. a. 1. et 2.)

2.^a Universale logicum recte et adaequate dividitur in quinque praedicabilia. Roselli q. 7. t. 1. et Goudin lo&g. maj. p. 1. disp. 1. q. 1. a. 4.

3.^a Genus non potest salvari in unica specie; bene tamen species in unico individuo. (Goudin log. maj. disp. 1. p. 1. q. 2. a. 5. et Rosejli t. 1. q. 7. n. 7 et 8.)

4.^a In substantiis creatis neque abstracta de concretis, neque concreta de abstractis praedicari possunt: bene tamen in accidentibus, abstracta de concretis. Roselli t. 1. q. 9. n. 1. et 2.

dicamentorum quaestio in tres paragrapbos dividitur. quorum primus erit de quibusdam praebambulis, seu, ut vocant, de ante-praedicamentis, secundus vero et praecipuuus de praedicamentis, tertius demum de post-praedicamentis.

§ 1. De anteprædicamentis.

Triplex est respectus in praedicamentis: 1.^o enim respiciunt ens in communi quod dividunt; 2.^o respiciunt substantiam quam dominant; 3.^o respiciunt sua inferiora tanquam suprema eorum genera. Respectu entis praedicamenta sunt analoga, ut in metaphysica ostendetur, respectu suorum inferiorum sunt univoca; respectu substantiae sunt denominativa. His positis sic ordinantur et exponuntur quinque anteprædicamenta.

1. Primum anteprædicamentum comprehendit univoca, analoga, aequivoca et denominativa. De univocis, analogis et aequivocis, tractavimus (vide supra p. 25.) Notandum est tantum quod illic agebatur de terminis, hic vero agitur de rebus per talia nomina significatis. Hanc differentiam indicare satis erit, addendo quod termini solent dici: univoca univocantia, analoga analogantia, aequivoca aequivocantia; e contra vero res significatae dicuntur: univoca univocata, analogia analogata, aequivoca aequivocata.

Denominativa tantum igitur explicanda

sunt. Sic exprimunt scholastici quae ab aliqua forma nomen habent solo vocis casu diversum, ut a grammatica dicitur grammaticus, a philosophia philosophus, et hoc modo substantia denominatur ab aliis praedicamentis, ut a quantitate quanta, a qualitate qualis, a relatione relata, &c.

2. Secundum antepraedicamentum est complexum et incomplexum. Complexa sunt quae plura simul comprehendunt, ut *homo albus* comprehendit duas essentias, hominis scilicet et albedinis. Incomplexa sunt quae aliquid simplex exprimunt, ut homo, virtus, albedo, &c.

3. Tertium antepraedicamentum est sequens regula: "Quando aliquid praedicatur de subjecto, quidquid dicitur de praedicato dicitur de subjecto;" quod intelligendum est de praedicatis primae intentionis, non vero de praedicatis secundae intentionis. Sic, quia animal dicitur de homine, quidquid convenit realiter animali, convenit etiam homini, v. g. esse sensitivum, dormitivum, vivens, &c. Attamen praedicata secundo intentionalia animalis, v. g. quod sit genus, quod sit contrahibile per differentias, &c., non convenient homini. Ratio hujus regulae est quia praedicatum continetur in subjecto. Unde quidquid pertinet ad praedicatum debet etiam competere subjecto. Prepter hanc regulam, in coordinatione praedicamentali

semper superiores gradus cum suis proprietatibus includuntur in inferioribus, ut vivens in animali, animal in homine, et homo cum duobus aliis in Petro. Hinc est quod S. Thomas saepe utitur ista regula quam sic exprimit: "Semper prius includitur in posteriori."

4. Quartum antepraedicamentum est alia regula quae sic se habet: "Duorum generum non subalternatim positorum diversae sunt differentiae; in generibus vero subalternatim positis nihil prohibet easdem esse differentias." Quoad primam partem regulae, scientia, quae est de genere accidentium, et animal, quod est de genere substantiarum non subalternatim ponuntur, et ideo non constituntur per easdem differentias; quoad secundam partem, planta, animal et homo subalternatim posita in genere substantiae per eadem differentiam a lapide differunt scilicet per vitalitatem quae est differentia superior inclusa in speciebus inferioribus, nam vitalitas in planta, in animali et in homine reperitur.

5. Quintum antepraedicamentum est divisio entis incomplexi in decem praedicamenta quae sunt: substantia, quantitas, relatio, qualitas, actio, passio, quando, ubi, situs et habitus, quae omnia duobus versiculis sequentibus, servato praedicamentorum ordine, comprehenduntur.

Arbor sex servos fervore refrigerat ustos.
Ruri cras stabo, sed tunicatus ero. (12)

Ens, conceptus scilicet universalis totius entis abstrahens ab unoquoque singulari, in ratione generis non constituitur, nullas enim differentias essentiales continet. Divagatur enim per omnes categorias, et de illis analogice tantum praedicatur (vide supra p. 25.) Ens dividitur statim in substantiam et accidentem, scilicet in ens quod existit in alio, et ideo de substantia et accidente praedicatur per analogiam proportionalitatis. Dicitur etiam transcendentale, quia non solum est in omnibus sed adhuc super omnia praedicamenta.

Divisio entis in decem praedicamenta, per celebris et antiquissima, sic verificatur:

Tot sunt suprema genera quot sunt modi generales essendi. Sed sunt decem modi generales essendi. Etenim quidquid est vel in seipso subsistit vel in alio: si prius, ut homo, lapis, angelus, dicitur substantia, quae est supremum genus; si posterius, ut color, sapor, figura, dicitur accidentis, quod rursus di-

[12] Arbor substantiam significat, sex quantitatem, servos relationem, fervore qualitatem, refrigerat actionem, ustos passionem, ruri locum aut ubi, cras tempus aut quando, stabo situm, postrema vero revva tunicatus ero habitum, (ita Iacqvier.)

viditur in novem suprema genera. Quidquid enim accedit substantiae, vel eam extendit, et sic est quantitas; vel eam refert ad aliud, et sic est relatio, vel eam qualificat et in se modificat, et sic est qualitas; vel connotat a liquid extrinsecum quod fit duobus modis: aut accidentis connotat substantiam ut principium a quo est, et vocatur actio, aut ut subjectum in quo est, et vocatur passio; vel ut mensuram durationis et dicitur quando; vel ut mensuram extensionis localis, et dicitur ubi vel per modum dispositionis partium locati in ordine ad locum, et dicitur situs; vel per modum ornamenti superadditi, et dicitur habitus seu vestitus. (13)

§ 2 De substantia et aliis praedicamentis.

De substantia et accidenti ontologice tractabitur in ea parte metaphysicæ quæ præ-

[13] Vide Goudin log. maj p. 1. disp. 2. q. 1. per totum. et Roselli t. 1. q. 11. et 12.

De hac celeberrima divisione entis videri oportet librum integrum a D. Agustino scriptum suoque filio Adeodato dicatum *de praedicamentis Arist.* Item opus duabus magnis voluminibus comprehensum, de metaphysica inscriptum, a sapientissimo P. Francisco Suarez S. J. elaboratum, ubi de singulis praedicamentis latissime agit.


ponebatur in schola S. Thomae physicae generali, et quam praeponemus anthropologiae. Ut enim accurate exponatur natura hominis qui est compositum naturale ex anima et corpore constans, necesserit scire prius quid sint materia, forma, essentia, substantia, accidens, etc. Hic substantia et novem accidentis genera definiuntur tantum, et non nisi praedicaliter seu logice exponuntur.

1 DE SUBSTANTIA.

Substantia, et dictum est, definitur *res in se subsistens*, et accidens, *res in alio existens*, scilicet in substantia quae ex tunc 1º subsistit in se, 2º substat accidentibus. Unde movetur quaestio utrum substantia essentialiter constitueret ex eo quod subsistit in se, vel ex eo quod substat accidentibus. Difficultas solvetur in prooemio anthropologiae, ubi ostendetur essentiam substantiae in eo consistere quod subsistit in se.

Substantia prout accidentibus substat, dicitur subjectum, quod dividitur in physicum seu ontologicum et logicum. — Ontologicum est illud cui inhaeret aliquod accidens, ut homo respectu scientiae, et dicitur subjectum inhaesioneis. — Logicum est illud de quo aliquid praedicatur, ut in ista propositione: *albedo est color*, albedo est subjectum logicum coloris.

Substantia dividitur in primam et secun-




dam, in singularem scilicet et in universalem Individua, ut Petrus, Paulus, etc., vocantur primae substantiae. Quum enim substantia duo dicat, scilicet subsistere in se e^re substare accidentibus utrumque principalius convenit individui; non enim homo in communi subsistit, aegrotat, currit, studet, sed hic vel ille homo. Genus et species ut vivens, animal, homo, dicuntur substantiae secundae vel generales; genera namque et species non subsistunt nisi in individuis cum quibus identificantur, ut species humana in Socrate vel Platone.

Substantiae sex attribuuntur proprietates, quae non sunt aliquid realiter distinctum ab ipsa, sed tantum quedam notiones secundae intentionis et praedicata mere logica.—Secunda est non habere contrarium stricte sumptum nam contraria sunt ea quae ab eodem subjecto se expellunt; unde sicut substantia non est in subjecto ita quoqne non potest a subjecto per aliam expelli.—Tertia est non suscipere magis aut minus, nam substantia, quae cumquae sit ejus dignitas, non magis aut minns in se subsistit.—Quarta est esse subjectum contrariorum; siquidem quum substantia sit subjectum et basis accidentium potest suscipere visicim accidentia contraria.—Quinta est praedicari univoce de suis inferioribus et haec proprietas convenit solum substantiis

secundis quae praedicantur de primis.—
Sexta est esse *hoc aliquid*, id est aliquid per
se subsistens et substantiae expressum, ad dif-
ferentiam accidentium quae solum signifi-
can *quale*, et exprimuntur adjective. (14)

Arbor praedicamentalis substantiae crea-
tae (Deus enim, ut in metaphysica ostende-
tur, neque est in genere substantiae, neque
in genere entis), genera scilicet, species et
individua quae illud supremum genus di-
vidunt, si adaequate describeretur omnia crea-
ta in suo gradu et ordine exhiberet, quod
scientiam humanam penitus transcendit. In
schola tritum erat rude quoddam exemplar,
arbor Porphyrii nominatum, valde imperfe-

(14) Vide Goudin log. maj. p. 1. disp. 2.
q. 2. per totum praecipue a. 3.



ctum. Haec ordinatio sic abbreviari potest

Substantia creata	purus	chorus
		angelorum.
	spiritus	capax vitae separatae, quia corpus
		transcendentia anima
	adjunctus corpori	vivens et moriens sensibilis
		cum corpore, quia vegetabilis in eo immergitur.
	organum	rationale i.e. cuius corpus jungitur animae humanae
		anima quae est ejus forma.
	corpus	animalia planata.
		irrationale brutum
	inorganicum	compositum metallum
		inorganicum minerale. ferrum, aurum, sulphur, adamas, etc. [15]
	simplex	aes, mar, mor.

(15) Vide instit. phil. Auctore Purchotio ubi reperies in fine schemata arboris Porphyrii secundum doctrinam Arist. et arboris ad nientem Platonis. In eodem Auctore reperies (dog. 1. p c. 5.) septem categorias a junioribus philosophis excoxitatas et his versibus comprehensas
 Mens, mensura, quies, motus, positura, figura.
 Sunt cum materia cunctarum exordia rerum.

2. DE QUANTITATE.

Primum accidens quod immediate afficit substantiam corpoream est quantitas, vide-
mus enim omnes omnino substantias hujus-
mudi esse quantitate praeditas, qua etiam
mediante accipiunt caetera accidentia; ut
corpus mediante extensione recipit colorem
et figuram. Circa quantitatem tria quaerun-
tur: 1º quid sit; 2º quotuplex sit; 3º quae sint
ejus proprietates.

1º In qualibet substantia quantitate affe-
cta quinque reperiuntur. Primo enim talis
substantia est distributa in varias partes in-
tegrantes; secundó implet quoddam spatiū,
seu extenditur ad certum locum; tertio expel-
lit alia corpora a loco quem occupat, ideo-
que dicitur impenetrabilis; quarto ejusmodi
substantia est divisibilis in partes; quinto de-
mum mensurabilis est.

Haec autem omnia convenire substantiæ
ratione quantitatis ex eo constat quod sub-
stantiæ spirituales, ut angeli, quia carent
quantitate, his etiam omnibus carent. Nec
enim integrantur ex variis partibus; nec im-
plet proprie spatiū; nec se mutuo à loco
expellunt; imo omnes, etiam in minutissimo
spatio, existere possunt; nec sunt capaces di-

De his etiam agit laqvier ac etiam de ar-
bor e praedicamentali in p. 1. log. c. 2. a.
8. n. 4 et 5.

